

永樂初有客游京師丰姿清矯拂拂修髯而衣服禮容似公  
車客狀居京頗久與戶科給事中胡濙相契常作詩酒之會喜  
擬文選體多不存稿客聞朝中僚屬事畢閒談多言神仙事又  
聞侍讀胡廣欲舉張三丰仙術上聞客心厭之一日飲於客齋  
忽謂胡濙曰吾友善事明君我將遠引深山也濙驚叩其故不  
答數叩之乃掀髯笑曰吾卽三丰子也言畢逕去不知所往其  
後胡濙訪三丰祖師因有卻憶故人從此隱題詩誰似鮑參軍  
之句云

### 一晤因緣

永樂四年冬詹事府主簿南陽張朝用常見一道人行止異奇  
道藏輯要  
三丰全集 顯蹟  
元續畢集七  
足不履地手撚梅花口吟秋水趨前詢之乃三丰仙翁也明年  
帝命胡濙游訪因薦朝用同行已不知其去向矣

### 道示明玉

永樂中有羽客游內江寓明玉道家詭云龐姓微示以異嘗  
履極險不墜涉水無少濡明玉善符咒多奇驗欲傳授羽客羽  
客笑曰我以道俸君君乃以法授我耶乃作道法會同疏一通  
與之明玉大驚跪請其名號乃知爲三丰祖師也居歲餘胡濙  
物色之遂不留四川通志遂同玉見胡尋又來往峩眉山中

### 明殿飛昇

明成祖自遇西僧哈立麻之後頗萌道心尙書胡廣因言張三

丰實有道法錄其捷要篇上呈帝覽之雖不測其涯淡知其有  
合玄機遣使訪之壬辰春又勅孫碧雲至武當拜候三月初六  
日並賜書越三載始至武當碧雲呈御書祖師覽訖笑答一函  
碧雲勸入朝不可留居室內出則同遊令人馳報於帝丙申春  
正帝命安車迎請忽又他適帝乃斥胡廣求之廣大懼卽至武  
當懇禱祖師見其情切乃出許其詣闕先自飛身而去帝正在  
朝忽見一襪褸道人肩披鹿裘立於階前稽首冷笑帝問是三  
丰殷勤命坐卽求談道祖師遂唱訪道求玄走盡天涯之曲曲  
終從容下階一時卿雲瑞靄彌滿殿廷良久始散祖師去矣君  
臣嘆異始信真仙及胡廣還朝上頗賜勞之按明紀永樂丁亥  
帝命胡濙等遍訪

道藏輯要

三丰全集 顯蹟

三

續畢集七

三丰去十載始還茲連丁亥順數至丙申正是十年乃於五月  
初先有陸見之事不知濙等還朝在五月前否若在五月後便  
往來相左矣

神仙鑑評仙道有易髓換骨不必蛻化者有育就嬰孩引神  
出見者有太陰煉形屍解成真者皆足以證道而完璞之育  
就胎孫三丰之飛昇金殿非重安九鼎再立乾坤何能至此  
由是而觀丹道豈易言哉

玄光表異

永樂丙申歲五月朔爲南極老人禹壽之會老君命太微尹眞  
人傳示羣眞尹向西北行舉頭見一簇玄光從空飛至迎視乃  
三丰先生尹告以老君之 三丰曰吾已荷玉帝宣命矣遂別